

Protestanan ta resona contra e presentacion di Shermanology den Fakkel

ORANJESTAD- E grupo di Carnaval, recién funda, Meta Social Club a tuma e decision cu nan lo tin Shermanology den Fakkel pa diasabra awo. Esaki ta pesar cu Gobierno ainda no ta duna un contesta positivo ariba esaki, pa loko ta trata nan permiso. Informacion cu ta circula cu aunke ainda e peticion manda pa gobierno ta poni riba lessenaar di minister, no ta motibo pa stroba nan actividad pa Fakkel diasabra awo. Siman pasa, durante cambio di aña varios tabata gruponan cu a bin duna nan presentacion na Aruba, sin cu nan tabata tin e permisonan necesario pa haci esaki. Pregunta ta keda, dicon awo cu Meta Social Club Carnival Group kier bin cu Shermanology pa toca pa nan den Fakkel 2014, ta bin haya asina tanto boycott di e otro gruponan.

AGENDA SCONDI

Pa Meta Social Club Carnival Group, ta net esunnan cu ta boicotia ta mesun cu ta den gobernacion y tin nan mesun grupo di Carnaval. Akinan nan ta referiendo na Minister Otmar Oduber, cual ta dirigente di Touch Of Brazil Carnival Group. Pero e punto di Meta social Club ta cu e gruponan musical mas popular ya ta wordo geboek for di antemano. Mester bisa cu pa bo haya un grupo musical toca pa bo, esaki mester wordo reserva for di antemano. Y Meta Carnival Group a



wordo funda na final di 2013. Kiermen tur grupo kier tin un atraccion pa trece nan hendenan. E tipo di musica den carnaval no por wordo cuestiona pasobra te hasta un di esunnan cu ta opone pa Shermanology bin a introduci e musica diferente den carnaval di Aruba cu ta mik mas bien riba un genero diferente y hoben. Gobierno si ta bon mester respeta e temporada aki si nan no tin e conseho positivo di SAC. SAC a duna su conseho na gobierno

y e conseho tabata positivo pa gobierno firma. Mientrastanto e poder gubernamental a bin hunga un rol pasobra tin gobernante cu tin rol directo of indirecto den gruponan di carnaval cu sea a laga sa of a laga nan satelitenan laga sa cu gobierno lo no firma. Mientrastanto esaki por ta un forma di purba kibra e prome salida di e grupo di Meta Social Club cu awo a tuma nan decision kico nan lo haci caba. Nan a anuncia y confirma presencia

di Shermanology den Fakkel diasabra dia 11 di Januari. Si otro gruponan di afo a presenta na Aruba y ningun gobernante a ril pa nan permiso nifica cu pa Shermanology no por tin discriminacion. Ademas Shermanology lo t'ey solamente pa un actividad cu ta Fakkel. E stap legal aki a wordo confirma door di un ehecutivo di Meta pero tambe Ryan Maduro di Meta Social Club Carnival Group a bisa mescos. E ta bira inte-

resante e siman aki pasobra e ta muestra mas bien un poder di cierto grupo cu dos pechi cu kier muestra of stroba un grupo di carnaval di lanta. Kisas si e gruponan aki laga un di nan banda popular bay anto Shermanology no mester presenta pa Meta. Mientrastanto tur banda popular ta reserva.

PERMISO NENGA

Mientras tanto a dreña informacion cu e minister en cuestion, Minister Benny Sevinger a nenga di firma e permiso pa asina Shermanology bin toca den e Fakkel diasabra awo. Anteriormente ya caba e grupo a bisa di cu Shermanology lo toca den e parada, cu of sin permiso di gobierno. E peticion a wordo nenga despues cu Immigration y tambe Asociacion Musica a duna un conseho negativo riba e peticion. Ademas, IASA tambe a duna conseho negativo. Basa ariba esaki, gobierno di Aruba a dicidi cu no ta duna permiso pa Shermanology toca den e parada di diasabra awo. E grupo di Meta Social Club Carnival Group awo lo bay corte pa asina laga hues tuma un decision. □

A peticion general

Cambio di fecha di Caiso & Soca Monarch Festival ta pa acomoda esunnan cu ta bin di exterior

ORANJESTAD- E aña aki, e festival di Calypso ta prim-

inti di bira algo masha grandi mes. Esaki segun Sr. Hildward Croes, di Stichting Musica. Aña 2014, ta e di 56 aña cu lo celebra e Calypso Contest, cu awendia ta yama Caiso & Soca Monarch. Ta premira cu lo tin un avalancha di inscripcion y participacion. E dianan 11, 12, 13 di februari lo ta e dianan di pre final y dia 15 di februari lo ta e final mes. Na 2013 tabata tin varios reunion cu e lidernan di banda, y asina purba trece un miho structura den e Caiso & Soca Monarch Festival.

CAMBIO DI FECHA

Anteriormente, e festival tabata programa pa final di Januari, pero Stichting Musica a haya un avalancha di peticion di parti di nos hendenan biba den exterior, pa cambia e fecha di e festival. Hopi di nan ta biniendo e ultimo dos simannan di Carnaval 60 y hopi di nan ta bin cu package tour. Y e ora logicamente, si e festival wordo teni na final di



januari, esunnan cu ta bin di afo, lo no por tuma parti di e gran festival aki. For si Stichting Arubaanse Carnaval tambe tin plannan grandi pa propaganda e festival di Caiso & Soca Monarch Festival na nos hermana isla Corsou. SAC lo ta organizando un fiesta bailabel cu tanto Doble R di Corsou y Chicas del Can di Republica Dominicana. Di parti di Asociacion Musica tambe lo bay tene un conferencia di prensa na Corsou, pa asina Ta e intencion pa propaganda e festival di Caiso & Soca Festival na hermana isla Corsou tambe. Y Asociacion Musica ta planea tambe pa bay Corsou y asina propaganda e festival na Corsou tambe.

Esaki ta pa yuda engrandecer e festival aki un poco mas. Y Musica ta traha hopi di cerca cu Asociacion di Musica di Corsou, unda cu nan ta bin Aruba pa promove Festival di Tumba di Corsou, cual ta hopi popular bou di nos hendenan. **ACUERDO CU CORSOU** Sr. Hildward Croes a splica tambe, cu pa por remove e dos festivalnan debidamente, MUSICA a yega na un acuerdo cu Asociacion di Musica di Corsou (AMAK) cu dia 14 di Februari, cu ta fecha di Festival di Tumba na Corsou, MUSICA di Aruba lo no tene niun actividad musical riba e fecha ey y dia 15 di Februari, fecha di e final di Caiso & Soca Monarch, AMAK lo no tene niun actividad riba e fecha ey, p'asina e pueblo di Corsou tambe por bula bin Aruba pa asina gosa di nos Festival di Caiso & Soca Monarch. □



Are you looking for a new job challenge?

General Air Services is now accepting applications for **Customer Service Agent**. His/her function is to give service to all passenger embarking and des-embarking Aruba including ticket sales. This mean you will be working in a team representing one of our well-known international airlines.

Job Requirements

- A minimum of EPI/Havo Degree
- Should be at least **21 years old**.
- Able to work during **week days / weekends and holidays**
- Should be responsible, self-determined, representable, and **Dynamic**
- **Customer Service Oriented**
- Fluent in speaking **English, Dutch, Spanish and Papiamentu**.

We Offer:

- A friendly working team and atmosphere
- Possibility to grow in airline business with airliners benefits.
- Employee benefits according to the labor law.

What do you have to do if you are interested?

Come by our Human Resources office located at Queen Beatrix Airport in the Non USA departures building between 9:00 am to 12:00 pm and 2:00 pm to 4:00 pm to pick an application form before Friday January 10, 2014.